

সম্মানিত শেয়ারহোল্ডারবৃন্দ,

আসসালামু-আলাইকুম ওয়া রহ্মাতুল্লাহ।

কোম্পানির পরিচালকমণ্ডলীর পক্ষ থেকে ২০১৪-২০১৫ইং অর্থ-বছরের বার্ষিক প্রতিবেদন, নিরীক্ষিত হিসাব ও নিরীক্ষকবৃন্দের প্রতিবেদন আপনাদের সদয় বিবেচনা এবং অনুমোদনের জন্য উপস্থাপন করা হলো।

০২। কোম্পানির বিষয়াদির অবস্থাঃ

২.১। পরিচিতিঃ

কোম্পানিটি ১৯৮১ইং সালে গাজীপুরস্থ কালিয়াকৈর থানার চন্দ্রায় স্থাপিত হয় এবং বানিজ্যিক উৎপাদন শুরু হয় জুলাই ১৯৮৪ সালে। ফার্মা এইড্‌স লিমিটেড শুধুমাত্র নিউট্রাল গ্লাস এম্পুল (Neutral Glass Ampoule) উৎপাদন করে দেশীয় ও বহুজাতিক ঔষধ কোম্পানিগুলোতে সরবরাহ করে আসছে। কারখানার জমির মোট আয়তন ১৭,২৮০ বর্গফুট, যার মধ্যে ১৩,২১২ বর্গফুট এলাকা উৎপাদন, গুদাম ও সংশ্লিষ্ট কাজে ব্যবহৃত হচ্ছে।

২.২। মানব সম্পদঃ

কোম্পানিতে বর্তমানে সর্বমোট ৫৫ জন স্থায়ী কর্মকর্তা, কর্মচারী ও শ্রমিক নিয়োজিত আছেন। প্রতিষ্ঠানের সকল পর্যায়ের কর্মকর্তা, কর্মচারী ও শ্রমিকগণের মধ্যে সুসম্পর্ক বজায় রয়েছে। বাস্তব অভিজ্ঞতা অর্জনের মাধ্যমে এ জনবল দিনে দিনে মানব সম্পদে পরিনত হয়েছে।

২.৩। উৎপাদন ও বিক্রয়ঃ

কোম্পানি প্রতিষ্ঠিত হওয়ার পর থেকে বর্তমান বছরেই সর্বোচ্চ উৎপাদন ও বিক্রয় করতে সমর্থ হয়েছে। গত বছর উৎপাদন ছিল ৬৬৮.৬০ লক্ষ পিস এম্পুল ও নীট বিক্রয় হয়েছিল ১,২৫৮.০৭ লক্ষ টাকা। আলোচ্য বছরে উৎপাদন হয়েছে ৭৬৩.৩৩ লক্ষ পিস এম্পুল ও নীট বিক্রয় হয়েছে ১,৪৬৭.০৪ লক্ষ টাকা, যা গত বছরের তুলনায় যথাক্রমে ১৪.১৭% এবং ১৬.৬১% বেশী। গত জানুয়ারী ২০১৫ থেকে মার্চ ২০১৫ পর্যন্ত লাগাতার অবরোধ/আন্দোলনের কারণে দেশের ব্যবসা-বানিজ্যসহ সর্বক্ষেত্রেই চরম অস্থিরতা ও অস্থিতিশীল পরিবেশ তৈরী হয়েছিল। সঙ্গত কারণে উৎপাদন ও বিক্রয় অনেকাংশেই হ্রাস পেয়েছিল, যা বর্তমানেও অব্যাহত রয়েছে। আমরা আশ্রয় চেষ্টা চালিয়ে যাচ্ছি যাতে আগামীতে কোম্পানির অবস্থা আরও উন্নতি করতে পারি। এব্যাপারে সংশ্লিষ্ট সকলের সার্বিক সহযোগিতা একান্ত কাম্য।

০৩। আর্থিক ফলাফলঃ

গত ৫ (পাঁচ) বছরের তুলনামূলক আর্থিক ফলাফল নিম্নে প্রদত্ত হলোঃ

* (হিসাব লক্ষ টাকায়)

খাতসমূহ	২০১০-২০১১	২০১১-২০১২	২০১২-২০১৩	২০১৩-২০১৪	২০১৪-২০১৫
মোট উৎপাদন (লক্ষ পিস)	৬৩২.১৫	৬৮১.৭৮	৫৭৯.৫২	৬৬৮.৬০	৭৬৩.৩৩
উৎপাদন খরচ *	৬৫৮.৫৬	৭২৭.০৭	৭৪৪.০৫	৮২০.২৪	৯০৩.৮৬
নীট বিক্রয় *	৯৭৫.৮৮	১০৮২.৯০	৯৭৬.১৬	১,২৫৮.০৭	১,৪৬৭.০৪
সামগ্রিক লাভ *	৩১৭.৩২	৩৫৫.৮৩	২৩২.১১	৪৩৭.৮৩	৫৬৩.১৯
আয়করপূর্ব নীট লাভ/(ক্ষতি) *	১৮৪.৫৬	২০৯.৯২	৫৯.৭০	২৩৯.৯৫	৩৫৭.৫২

০৪। সাইজভিত্তিক উৎপাদিত পণ্যঃ

এ্যাঞ্চর + ক্লিয়ার	পরিমাণ (লক্ষ পিস)
১এমএল	১৭৪.৫৬
২এমএল	২৩২.৮৮
৩এমএল	১০৭.২১
৫এমএল	১১২.২০
১০এমএল	১২৭.৭৫
২৫এমএল	৭.৯৭

	৭৬৩.৩৩
	=====

০৫। বকেয়া আবগারী শুল্ক :

১৯৮৪-১৯৮৯ অর্থ-বছরসমূহের ১২.৩৯ লক্ষ টাকার বকেয়া আবগারী শুল্ক সংক্রান্ত প্রতিবেদন বিগত বছরসমূহে আপনাদেরকে অবহিত করা হয়েছে। মামলাটি এখনও নিষ্পত্তি হয়নি।

০৬। আয়কর :

- (ক) ২০০৪-২০০৫ইং অর্থ বছরে (২০০৫-২০০৬ কর বছর) বার্ষিক সভায় কোম্পানির হিসাব অনুমোদনের পর রিটার্ন দাখিল করা হয়েছে। উপ-কর কমিশনার মহোদয় অযৌক্তিকভাবে কতিপয় খরচ Disallow করেছেন। আমরা উপ-কর কমিশনার মহোদয়ের আদেশের বিরুদ্ধে ন্যায় বিচারের জন্য আপিল দায়ের করেছি যা এখনও প্রক্রিয়াধীন রয়েছে।
- (খ) ২০০৫-২০০৬ইং অর্থ বছরে (২০০৬-২০০৭ কর বছর) নির্ধারিত আদেশ চূড়ান্ত করে "শূণ্য" দাবিনামা প্রেরণ করেছিলেন। কিন্তু বিগত ২৯-০৮-২০১০ইং তারিখে উক্ত বছরের জন্য অযৌক্তিকভাবে ১২.৩৮ লক্ষ টাকা বকেয়া কর দাবি করে একটি নোটিশ আমাদের বরাবরে প্রেরণ করেন। আমরা যথাযথ কর্তৃপক্ষের সাথে এ সমস্যা সমাধানের চেষ্টা চালিয়ে যাচ্ছি।
- (গ) ২০১২-২০১৩ কর বছরের রিটার্ন ৮২বিবি ধারা অনুযায়ী দাখিল করা হয়েছে।
- (ঘ) ২০১৩-২০১৪ কর বছরের রিটার্ন ৮২বিবি ধারা অনুযায়ী দাখিল করা হয়েছে। কর কর্তৃপক্ষ রিটার্নটি অডিটের (Field Audit) জন্য নির্বাচিত করে কতিপয় খাতের প্রমানাদি দাখিল করার জন্য ১৫-০৯-২০১৪ইং তারিখে ৭৪৬৫৯৬২০৪৫২৩/ ১৪০-২০০-৪৫০০ / সাঃ৮৯ (কোং)/ কঅ-৫/ ২০১৪- ২০১৫ নং নথির মাধ্যমে অনুরোধ করেছেন। আমরা তাদের চাহিদা অনুযায়ী প্রয়োজনীয় প্রমানাদিসহ শুনানীতে হাজির হয়েছি। সিদ্ধান্ত এখনও প্রক্রিয়াধীন।
- (ঙ) ২০১৪-২০১৫ কর বছরের রিটার্ন সাধারণ নিয়মে দাখিল করা হয়েছে। কর কর্তৃপক্ষের ০৫-০৩-২০১৫ইং তারিখের ৭৪৬৫৯৬২০৪৫২৩/সাঃ ৮৯(কোং)/২০১৪-২০১৫ নং নথি অনুযায়ী প্রয়োজনীয় প্রমানাদিসহ শুনানীতে হাজির হয়েছি। সিদ্ধান্ত এখনও প্রক্রিয়াধীন রয়েছে।

০৭। পরিচালকগণের অবসর গ্রহণ ও পুনঃনিয়োগ :

কোম্পানির আর্টিকেলস অব এসোসিয়েশনের ১৩৫ অনুচ্ছেদ অনুযায়ী চক্রানুক্রমে পরিচালকমণ্ডলী হতে জনাব এম, এ, মাসুদ এবছর অবসর গ্রহণ করছেন। তিনি পুনঃনিয়োগের যোগ্য হওয়ায় নিয়োগ প্রাপ্তির জন্য আগ্রহ প্রকাশ করেছেন।

০৮। স্বতন্ত্র পরিচালক নিয়োগঃ

স্বতন্ত্র পরিচালক, জনাব মোঃ সুলতান আহমেদ, অবসর গ্রহণ করায় তাঁর পরিবর্তে জনাব মোঃ সায়েদুর রহমান- কে ০১-০৭-২০১৫ইং তারিখ থেকে স্বতন্ত্র পরিচালক হিসেবে নিয়োগ দেয়া হয়েছে।

০৯। কোম্পানির অভ্যন্তরীণ নিরীক্ষক নিয়োগঃ

কোম্পানির এক্সিকিউটিভ ডাইরেক্টর, জনাব শাফিউল হাসান আশিক ০১-০৭-২০১৫ইং তারিখ থেকে অভ্যন্তরীণ নিরীক্ষকের দায়িত্ব পালন করে আসছেন।

১০। ব্যবস্থাপনা পরিচালক মহোদয়ের পারিশ্রমিক ও অন্যান্য সুযোগ-সুবিধা :

দেশের সার্বিক অবস্থা এবং অন্য সকল কোম্পানির দেয়া পারিশ্রমিক বিবেচনা করে ব্যবস্থাপনা পরিচালক মহোদয় ০১-০৭-২০১৫ ইং থেকে তাঁর মাসিক ৫০,০০০/- (পঞ্চাশ হাজার) টাকা পারিশ্রমিক বৃদ্ধিসহ অন্যান্য সুযোগ সুবিধা সমন্বিতভাবে করার জন্য অনুরোধ করেছেন।

১১। লভ্যাংশ ঘোষণা :

আলোচ্য ২০১৪-২০১৫ হিসাব বছরে কর পূর্ববর্তী ৩৫৭.৫২ লক্ষ টাকা নীট মূনাফা অর্জিত হয়েছে। আলোচ্য বছরের কর এবং সি এস আর ফান্ড পরবর্তী ২৫৪.৭৩ লক্ষ টাকা মূনাফা থেকে মোটামুটি ৬৯.৩৮% Reserve & Surplus Fund রেখে পরিচালনা পর্ষদ বিনিয়োগকারীদের স্বার্থে বাকী প্রায় ৩০.৬২% মূনাফা, অর্থাৎ ২৫% হারে নগদ লভ্যাংশ সুপারিশ করেছেন।

১২। নিরীক্ষক নিয়োগ ও তাদের পারিশ্রমিক নির্ধারণ :

২০১৫-২০১৬ইং অর্থবছরের জন্য মেসার্স আর্টিসান, চার্টার্ড একাউন্ট্যান্টস, বিএসইসি ভবন (১০ তলা), ১০২, কাজী নজরুল ইসলাম এভিনিউ, কাওরান বাজার, ঢাকা - ১২১৫, নিরীক্ষক হিসেবে নিয়োগ লাভের ইচ্ছা প্রকাশ করায় পরিচালনা পর্ষদ তাদের পারিশ্রমিক বার্ষিক ৫০,০০০/- (পঞ্চাশ হাজার) টাকা নির্ধারণপূর্বক নিরীক্ষক নিয়োগের সুপারিশ করেছেন।

১৩। কর্পোরেট গভর্নেন্স এর শর্ত প্রতিপালনঃ

সিকিউরিটিজ এন্ড এক্সচেঞ্জ কমিশন এর ০৯-০১-২০০৬ইং তারিখের SEC/ CMRRCD/ 2006-158/ Admin / 02-06 নং আদেশ এবং ০৭-০৮-২০১২ইং তারিখের SEC /CMRRCD /2006-158/ 134/Admin / 44 নং আদেশে উল্লিখিত নির্দেশাবলীর মোটামুটি সবগুলো শর্ত প্রতিপালন সম্পন্ন করা হয়েছে। ANNEXURE : I-VII মধ্যে কোম্পানির কর্পোরেট গভর্নেন্স এর অবস্থান সন্নিবেশিত হয়েছে।

১৪। নিরীক্ষকের মন্তব্যের উপর ব্যাখ্যাঃ

নিরীক্ষক তাদের প্রতিবেদনে কোম্পানির হিসাবের উপর কোন ধরনের বিরূপ মন্তব্য প্রকাশ করেননি।

১৫। অডিট কমিটির কার্যক্রমঃ

আলোচ্য ২০১৪-২০১৫ইং বছরে উক্ত কমিটির কোন বিরূপ প্রতিবেদন ছিল না। ১৮ নং পৃষ্ঠায় অডিট কমিটির সভাপতি মহোদয়ের একটি প্রতিবেদন দেয়া হয়েছে।

১৬। চলতি (২০১৫-২০১৬ইং) অর্থবছরের অবস্থা :

জুলাই হতে নভেম্বর, ২০১৫ এই ৫ মাসে উৎপাদন হয়েছে ৩.১৪ কোটি পিস এ্যাম্পুল ও বিক্রয় হয়েছে ৬.০৬ কোটি টাকা। তবে উৎপাদন ও বিক্রয় আগামী মাসগুলোতে বৃদ্ধির আশ্রাণ চেষ্টা করা হচ্ছে এবং আমরা অত্যন্ত আশাবাদী।

উপসংহার :

পরিচালকমণ্ডলী সকল ক্রেতা প্রতিষ্ঠানসমূহ, সম্মানিত শেয়ারহোল্ডারবন্দ, সংশ্লিষ্ট ব্যাংক, বিএসইসি ও ডিএসইসহ সকল স্তরের কর্মকর্তা-কর্মচারী-শ্রমিকগণ এবং কোম্পানির অন্যান্য সকল সহযোগী প্রতিষ্ঠানসমূহের প্রতি আন্তরিকভাবে ধন্যবাদ জ্ঞাপন ও কৃতজ্ঞতা প্রকাশ করছেন।

পরিচালকমণ্ডলীর পক্ষে,



ফায়েজুল হাসান

ব্যবস্থাপনা পরিচালক